



Anguniakkat

Utoqqarnut Isumassuiner Mullu
Ataatsimiititaq, 2025-2029

Siulequt

Kommuneqarfik Sermersuumi politikikkut ataatsimoorussamik anguniagaraarput kommunerput tassaassasq innuttaasunut tamanut najugaqarfigiuminartog inuuffigiuminartorlu.

Utoqqarnut Isumassuinemullu ataatsimiititatus politikikkut akisussaaffigaarput kommunimi innuttaasut utoqqaat atugarissaarnissaannut sinaakkutissanik pilersitsissalluta. Ataatsimiititami anguniakkat piviusunngorsinnaasut sisamat oqaasertaliorpavut, taakkua qinigaaffimmi matumani politikikkut sulinitinni sammiviliisuussapput saniatigut allaffissornermi suliallit sinaakkutissaattut erseqqissaataallutik.

Pappiaqqat atorlugit oqaasiinnarnik tunniussiumanngilagut sulinitinnili innuttaasunut allannguineq malunnaatilinnik ingerlatserusuppugut. Taamaattumik anguniakkat ikittunnguit anguneqarsinnaasunilli pingaartippavut, suliniutit amerlasuut siammassissullu pinnagit. Taamaaliornikkut maannakkut pilersaarut ataaseq tunngavigalugu ataatsimoorluta siunnerfilimmik ukkassilluta suliniuteqarsinnaavugut, saniatigut aaqqiissutitut ukiunut tulluuttunut amerlasoorpassuarnut atuuttussanik aallartitsinernik ingerlatsilluta. Uagut suliarput piffissamut ungasissumut suliniutaasussatut isigaarput. Ukiut sisamat aaqqiissutinik tamanik tunniussinaviangillat, kisianni utoqqalinermi inuunerup pitsaasup ineriartorteqqinneranut tunngavissaq suliarineqassaaq.

Isumaqatigiissutigaaarput kikkut tamarmik toqqissisimanartumik ataqqinassusilimmik utoqqalisinnaasut. Utoqqalisut tassaapput kinguaariinnut tulluuttunut aqutissiuussisimasut aamma taakkua akuersaarneqarlutik ataqqineqarlutillu naapinneqartariaarput. Uagutsinnut utoqqalilluni inuuneq ima isumaqarpoq:

- Toqqissisimaneq, isumassorneqarneq, qanilaartumik eqaatsumillu tapersorsorneqarneq
- Inuiaqatigiinnit naleqartinneqartutut misigisimaneq
- Inuit ataatsimooqatigiinnerat aamma inuiaqatigiinni peqataaneq
- Aningaasaqarnikkut ineqarnikkullu atugassarititaasut naleqquttut

Anguniakkanik suliaqarnitsinnut atasumik Nuummi utoqqarnik paaqqutarinniffiit Ippiarsuk aamma Utoqqaat Illuat pulaarpavut. Tassunga atasumik kommunimi sulisut tamaasa qujassuteqarfigerusuppavut pingaartumik assannik kissalaartunik taaneqartartut immikkut qutsavigiumavagut, taakkua ulluinnarni innuttaasunik utoqqaanerusunik paaqqutarinninnermik isumassuinemillu ingerlatsisut.

Uagutsinnut politikikkut ataatsimiititatus sulinitinnut pingaaruteqarlunnarpoq innuttaasut sulisullu peqataatissallugit, taamaaliornikkut aaqqiissutit aalajangiussallu ulluinnarni pissutsit piviusut tunngavigalugit suliarineqarsinnaaqqullugit. Tamanna ukiuni aggersuni sisamani nangissavarput. Taamatuttaaq ataatsimiititanut allanut avataanilu suliaqartunut unammilligassat piumasaqaataalersillugit isaassisassaagut suleqatigiinnernillu aallartitsisarluta.

Innuttaasut, sulisut, peqatigiiffiit politikikkut suleqatigisavut peqatigalugit anguniakkatta piviusunngortinnissaannut sulinissarput qilanaaraarput.

Utoqqarnut Isumassuinemullu Ataatsimiititaq



Siulittaasoq (IA)
Nitta Lyberth-Mørch



Siulittaasup tullia (D)
Alex Hermansen



(D)
Per Berthelsen



(S)
Martha Abelsen



(S)
Egon Poulsen

Anguniakkat

Anguniagaq 1: Utoqqarnik paaqqutarinninnermi sulisinnaasut naammattut piginnaaneqarluartullu

Kissaatigaarput utoqqarnik paaqqutarinninnermi sulisinnaasut aalajaatsut piginnaaneqarluartullu pigineqarnissaat, maannakkut siunissamilu. Ajoraluartumik utoqqarnut suliasaqaarfiup tatisimaneqarneranut atasumik sulisinnaasunik amigaateqarneq aamma napparsimalluni sulinngitsoortarneq qaffasissuq atugassarititaapput, taamaattoqarneralu piffissamut ungasissumut aaqqiissutissanik pilersaarusiormillu piumasaqaateqarput. Paaqqutarinninnermik suliallit tatisimaneqartillutik utoqqarnik paaqqutarinninnerup pitsaassusianut toqqaannartumik sunniteqartarpoq. Siunissami sulisinnaasut qulakkeerneqarnissaannut aamma sulisut sulineranni atugassarititaasut pitsanngorsarnissaannut akisussaaffimmik tigusiumavugut. Suliniutit tassaasinnaapput:

- Sulisunik tigumminniinnarneq piginnaanngorsaannermik siunnerfilik aamma ingerlaavartumik pikkorissaqqinnerit ilinniaqqinnerillu aqqutigalugit.
- Puiguttormik suliasaqaarfiup iluani piginnaanngorsaqqinnerup annermik ukkatarineqarnera innuttaasut puiguttormik eqqugaasut sulisunullu atugassarititaasut pitsanngorsarumallugit.
- Sulisunik, siornatigut pineqaatissinneqarsimasunik utoqqarnik paaqqutarinninnermi sulilersitsinissaq ajornannginnerusoq atorfinitsitsinnermi najoqqutassat erseqqissut paasiuminartullu aqqutigalugit
- Angalasartoqatigiinnik pilersitsineq utoqqarnut paaqqutarinniffinni aamma angerlarsimaffimmi ikiortini piginnaanngorsaalluni ineriartortitsinnermi tapersuisinnaasunik
- Illoqarfinni inoqarfinnilu mikinerusuni suliasaqaarfiit assigiinngitsut suliniutaannik aallartitsinerit, tamaani sulisut nutaanik ilinniaagaqassapput ass. eqaarsaartitsineq

Suleqatigiumavagut:

- Isumaginninnermut Innarluutilinnut Ataatsimiititaq kiisalu Meeqqanut, Ilaqutariinnut Atuarfeqarnermullu Ataatsimiititaq suliasaqaarfiit assigiinngitsut ilinniartinneqarnissaannut periarfissat pillugit

Anguniagaq 2: Utoqqarnut inunnnullu innarluutilinnut inissiat naleqquttut

Utoqqarnut paaqqutarinniffinni inissat aamma utoqqarnut inissiat amigaataanerat ukiuni qulikkaani kingullerni ataavartumik ajornartorsiutaavoq. Utoqqaat amerliartornerisa ilutigisaannik utoqqarnut inissianik aamma utoqqarnut paaqqutarinniffinni inissanik pisariaqartitsineq alliartuinnassaaq. Tassunga ilanngullugu maanna utoqqarnut inissiat piusut amerlasuut pisoqaavallaalerput aamma mikivallaarput iluaqusersuutit pisariaqartinneqartut inissaqartinneqassappata. Piffissaq ungasinnerusoq eqqarsaatigalugu utoqqaat ineqarnerannut tunngasut pitsanngorsaaffigineqarnissaat sulissutigerusupparput.

- Iserit inissiaataanit amerlanerusut utoqqarnut aamma innarluutilinnut inissiatut nalunaaqutserneqassapput
- Nutaanik sanaartormermit iluarsartuussinermilu utoqqarnut inissianut piumasaqaatinik aalajangersimasunillu atuuttunik erseqqissunik piumasaqaateqassaaq, taakkua utoqqaat pisariaqartitaannut tunngaveqassapput

Suleqatigiumavagut:

- Aningaasaqarnermut Inuussutissarsiornermullu Ataatsimiititaq
- Teknikkeqarnermut Avatangiisinullu Ataatsimiititaq
- Inoqarfinnut Ataatsimiititaq

Anguniagaaq 3: Utoqqarnut sammisassaqtitsinermut immikkut aningaasaliissutininik pilersitsineq

Inuiaqatigiinni innuttaasut utoqqaat amerliartuinnarnerisa nassataanik utoqqaat ajunngitsumik atugaqartut aamma amerliartuinnarput. Pingaaruteqarpoq utoqqaat eqeersimaartumik inuuneqarnissaannut periarfissaqarnissaat aammalu ataatsimooqatigiinnut tapertaanissaat. Utoqqarnik sullissillutik namminneq kajumissutsiminnik aamma utoqqaat peqatigiiffiini soqutiginnillutik suliallit periarfissaannut tapersersuerusuppugut.

- Utoqqaat sammisassaannut siuarsaataasunik aningaasaliissutissanik pilersitsineq. Aningaasaliissutininik tunniussineq aamma nalilersuineq pillugit erseqqissunik najoqqutassiisoqassaaq

Suleqatigiumavagut:

- Isumaginninnermut Inunnullu Innarluutilinnut Ataatsimiititaq
- Utoqqaat pillugit siunnersuisooqatigiit

Anguniagaaq 4: Utoqqaat inuiaqatigiinni peqataatinneqarnerat

Kinguaariiaani utoqqaanerulersut innuttaasutut naleqartinneqartutut aamma inuiaqatigiinni tunniussassaqtutullu misigissapput. Kissaatigaarput utoqqaat inuiaqatigiinni peqataanissaannut aamma kinguaariiaat akornanni ataqatigiinnerup pitsanngorsarnissaannut periarfissaasa ersarissarneqarnissaat. Tamanut aaqqissuussinernut aamma ataatsimooqatigiiffinni allani utoqqaat ilisimasaminnik misilittagaannillu avitseqatiginneqqullugit qaaqquneqartarnerat naleqartorujussuuvuq. Suliniutit tassaasinnaapput:

- Utoqqaat periarfissaat pillugit qaammarsaanermik paasisitsiniaanermillu aallartitsineq
- Kommuniip aaqqissuussaanut pisoqartitsinernullu utoqqaat immikkut qaaqquneqartarnissaannut annermik pingaartitsineq
- Fitness aamma utoqqaat peqqissuunissamut suliniutinut assingusunut akikilliliissutininik eqqussineq

Suleqatigiumavagut:

- Meeqqanut, Ilaqutariinnut Atuartitaanermullu Ataatsimiititaq
- Utoqqaat pillugit siunnersuisooqatigiit